

Il mas-chalch da Sent



Publicaziuns officialas. Cumpara seguond bsögn.
2006/2008
no. 46

7554 Sent, 7 favrer 2008 / mw

Publicaziun da fabrica BAB

Reguarda: Ingrondimaint indriz da communicaziun, Spi dal Vinadi, parc. no. 1529
Patrun da fabrica: Grenzwachtkorps GWK, Monbijoustr. 40, 3003 Bern
Profilà: --
Publicaziun: 07.02.2008
Termin da protesta: 27.02.2008

Publicaziun da fabrica

Reguarda: Mür da sustegn e chanelisaziun, plan da quartier, Flüs
Patrun da fabrica: Cumün da Sent, 7554 Sent
Profilà: 05.02.2008
Publicaziun: 07.02.2008
Termin da protesta: 27.02.2008

Ediziun: Tuot ils plans sun exposts in büro cumünal.

Recuors: Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

In nom da la cumischiun da fabrica

Uffizi d'impostas cumünal:

Avis: A partir dals 1. schner 2008 es mincha patrun chi ingascha persunal per lavurs da chasa (Hausdienstarbeit), oblià dad annunzchar la paja pro la SVR. Quai vuol dir cha duonnas chi pulischan abitaziuns dad esters, chi güdan illa chasada o chi perchüran uffants, cha fin uossa d'eiran libras da pajar la SVR fin ad ün import da frs. 2'000.-- l'on, ston uossa gnir annunzchadas subit a la SVR eir schi guadognan suot fr. 2'000.--.

Implü es mincha patrun oblià da metter oura per seis impiegà ün attest da paja per la fin da l'on. Illa pagina d'internet www.sva.gr.ch esa descrit precis ils müdamaints.

Uffizi d'impostas cumünal

Giantar cumünaivel

Il giantar cumünaivel ha lö quista jada excepziunadamaing in **marcurdi, als 20 favrer 2008** i'l restorant Chasa Veglia. Annunzchas piglia incunter dna. Erica Clalüna, tel. 081 864 07 59. Sperond sün üna numerusa cumparsa. Minchün es bainvis.

Corporaziun evangelica

Cumün da Sent

Nus tscherchain per l' on da scoula 2008 / 2009

üna magistra / ün magister pel s-chalin ot
pensum ca. 12 lecziuns

Nus giavüschain:

- qualitats pedagogicas e cumpetenzas regard l'instrucziun
- chi sun persunalitats ingaschadas e motivadas
- chi discuorran rumantsch o chi han la voluntà d'imprender rumantsch

Nus spordschain:

- ün'interessanta lavur in ün gremi pitschen
- ün lö da lavur attractiv in ün cumün cun diversas societats culturalas e da sport
- paja tenor uorden chantunal
- evtl. pensums parciais

Annunzchas culs solits allegats sun d'inoltrar fin als **26 favrer 2008** a Marianne Werro, pres. dal cussagl da scoula, 7554 Sent, tel. 081 864 82 69, cmwerro@bluewin.ch

L'inserat cumpara eir illa Posta Ladina als 7.2.2008 ed illa Südostschweiz als 9.2.2008.

Cussagl da scoula

Sent Turissem

I N V I D
INFUORMAZIUN TURISTICA
Tourismusorganisation (TO)

gövgia, 14 favrer 2008, 20.15h
chasa cumünala Misoc

- Il directur da turissem, sar Urs Wohler infuormescha sur da l'avegnir turistic da nossa regiun.
- Discussiun

No sperain da pudair salüdar blera glieud !

Amiaivels salüds
Sent Turissem
Il comité

Società da pauras d'Engiadina Bassa

Radunanza generala da las pauras, chi ha lö in venderdi als 8 favrer 2008, a las 20.30 h. illa scoula da Sent (saletta).

Tractandas:

- | | | | |
|---|-------------------------------|---|-----------------------------------|
| 1 | elecziun da las scrutinaduras | 5 | rapport da las revisuras da quint |
| 2 | protocol da la radunanza 2007 | 6 | elecziun da delegiadas |
| 3 | rapport da la presidenta | 7 | programm da l'on 2008 |
| 4 | renda quint | 8 | Varia |

La contribuziun annuala importa frs. 20.00.

Commembras novas sun fich bainvissas, i nu's sto esser paura per chi's possa entrar in nossa società.

Per la società da pauras,
la mas-chalcha
Blanka Pua

Exposiziun da fotografias cun Steivan Gaudenz dals 16 favrer 2008 – fin als 15 marz 2008
Invid a la vernisascha sonda als 16 favrer 2008 da las 17.00 a las 19.00 h.

Grotta da cultura

Als agüdonts dal
Super-G Champatsch

Stimadas agüdontas, stimats agüdonts

Il prüm lessna ingrazchar amo üna jada a tuot quels chi han güdà l'on passà ad organisar il 23avel Super-G, chi ha stuvü gnir spostà sülla pista da Clüinas.

Eir scha l'augmaint da participants nun es stat fich grond ils ultims trais ons, vaina decis da continuar cull'organisaziun da la cuorsa e vain uossa tut per mans il 24avel Super-G Champatsch chi ha lö als 2 marz 2008.

Perquai ans permettaina da dumandar eir quist on, chi da Vus agüdonts chi vess peida da gnir a güdar in ün o tschel möd la fin d'eivna dals **1. e 2 marz 2008** pel 24avel Super-G Champatsch. I'ns es cler cha sonda pella preparaziun tocca il di da Chalandamarz. Nus prevezain d'ans chattar intuorn las 13.00 pro Sutter.

Nus füssan fich cuntaints, scha Vus As annunzchessat plü svelt pussibel cul talun o per telefon pro Andri Taverna (081/864 95 41 o 079/787 52 44).

Grazcha fich!

Andri, Christian ed Andri

Eu vegn a güdar pel 24avel Super-G Champatsch ils 1./2 marz 2008

Nom:

Il plü jent güdess eu:

- preparar e metter giò la cuorsa (sonda)
- preparar sachins da marena pels agüdonts (sonda)
- guardgia portas
- partenza e böt
- büro (glistas etc.)